

## Промышленностьд төмрин тасрхас икәр цуглулдж өгхмн

Төмрин тасрха мана метал-лургическ промышленностьд нег ик кергтә сырье. Терүнас селәнә эдл-ахун машид кедж гаргънә.

КПСС-н ЦК-н болн СССР-н Министрмудин Советин тогтаврар колхозмуд, совхозмуд, РТС-с, МЖС-с, заводмуд болн нань чигн предприятияс төмрин тасрха цуглулдж государствд орулдж өгх зурата. Тер зураг деер келгдсн организацс болгън кўцәх эрки керг.

Болв, загъсна консервин Прикаспийск комбинат (директорнь ұр П. П. Куркин) 1958 джил 60 тонн төмрин тасрха цуглулдж өгх зурата, терүгән 32 тонн орулдж өг-

әд, 53,3 процент кўцәв. Эн комбинатин эдл-аху хәләхлә, төмрин тасрхас энд-тенд кевтәд, газрт даргддж одна. Тер учрар эн комбинат 1000 арслнъ мөнъгнә ял даав.

Черноземельск района Полевой МЖС (директорнь ұр И. И. Деев) 1958 джил 78 тонн төмрин тасрха өгх зурата. Терүгән зуг 41,2 процентд кўцәв. Эн МЖС-н эдл-ахуд 1957 джиләс авн 35 тонн төмрин тасрха овалад хайчксн кевтнә. Терүгән төмр хаалгъд авч кўргх машид бәәсн бийнъ, эдн кергтән авлго бәәцхәнә.

Төмрин тасрха цуглулдж өгх зурагъан эрки биш кўцәхин төлә ноолдихах кергтә.

Б. ХАРКЕБЕНОВ.